



Mediaverklaring

13 Oktober 2020

## **Agri SA betreur die dood van 'n opregte en passievolle landbouleier, Dr Vuyo Mahlali**

Agri SA het met groot hartseer verneem van dr Vuyo Mahlali, president van AFASA (*African Farmers Association of South Africa*) se afsterwe. Dr Mahlali was 'n inspirerende en visioenêre voorvegter vir landbou-ontwikkeling.

As boer in die Oos-Kaap, het sy 'n diep begrip gehad van die dinamika wat aan die bedryf gestalte gee.

Sy het voortdurend oplossings probeer vind om die struikelblokke wat boere en landelike gemeenskappe ervaar aan te spreek en het gepleit vir erkenning vir die rol wat opkomende boere in die landbouwaardeketting speel.

As kollega in georganiseerde landbou, het sy volhard ten tye van teëspoed en leiding gebied met grasia en empatie.

“Agri SA betuig hiermee sy meegevoel met die Mahlali-gesin en die breër landbougemeenskap. Almal wat saam met haar gewerk het kan getuig van die waarde wat sy vir die bedryf ontsluit het,” aldus Pierre Vercueil, Agri SA President.

“Dr Mahlali was 'n pionier wat boere se belange sentraal tot landbou-ontwikkeling gestel het,” sê Agri SA se Uitvoerende Direkteur, Christo van der Rheede.

Die landbou het voorwaar een van sy beste leiers verloor – 'n onvervangbare vrou en mentor.

### **Navrae:**

Pierre Vercueil  
Agri SA President  
(S) 082 524 8636

Christo van der Rheede  
Agri SA Uitvoerende Direkteur  
(S) 083 380 3492